



Broj, 01-07-10-51-25/2024
Sarajevo, 16.1.2024. godine

Na osnovu člana 25. stav (1) u vezi sa članom 26. stav (4) Zakona o slobodi pristupa informacijama na nivou institucija Bosne i Hercegovine ("Službeni glasnik BiH", br. 61/23) i člana 5. Pravilnika o postupanju po zahtjevu za pristup informacijama Visokog sudskog i tužilačkog vijeća Bosne i Hercegovine br. 08-02-3075/2010 od 2.9.2010. godine, 08-02-3645/2013 od 24.9.2013. godine, 08-02-388-1/2014 od 22.1.2014. godine i 08-07-2-3459/2021 od 29.9.2021. godine, rješavajući po zahtjevu za pristup informacijama Sabine Sarajlija, [REDACTED], od 8.1.2024. godine, predsjednik Visokog sudskog i tužilačkog vijeća Bosne i Hercegovine donosi

RJEŠENJE

Odobrava se zahtjev za pristup informacijama da li je Ured disciplinskog tužioca Visokog sudskog i tužilačkog vijeća Bosne i Hercegovine formirao predmet po službenoj dužnosti protiv zamjenice glavne kantonalne tužiteljice Kantonalnog tužiteljstva Kantona Sarajevo M [REDACTED] D [REDACTED].

Obrazloženje

Visoko sudsko i tužilačko vijeće Bosne i Hercegovine (u daljem tekstu: VSTV BiH/Vijeće) je 8.1.2024. godine zaprimilo zahtjev Sabine Sarajlija, [REDACTED] (u daljem tekstu: podnositeljica zahtjeva) za pristup informacijama kojim je tražena informacija da li je Ured disciplinskog tužioca (u daljem tekstu: UDT/Ured) VSTV-a BiH u periodu od 1.11.2023. godine do dana slanja zahtjeva za pristup informacijama formirao predmet po službenoj dužnosti protiv zamjenice glavne kantonalne tužiteljice Kantonalnog tužiteljstva Kantona Sarajevo M [REDACTED] D [REDACTED] zbog, kako se navodi u zahtjevu, lažnog svjedočenja u disciplinskom postupku broj UDT DD 012125 22 protiv Sabine Sarajlija, odnosno zbog provjere da li je počinila disciplinski prekršaj iz člana 57. Zakona o VSTV-u BiH. Podnositeljica zahtjeva je navela da materijalni dokazi kojim je UDT raspolažao potvrđuju suprotno navodima iz svjedočenja tužiteljice D [REDACTED], odnosno potvrđuju da je kao svjedokinja u disciplinskom postupku dala „...lažnu, obmanjivu ili nedovoljnu informaciju VSTV-u prilikom svjedočenja, što ukazuje na neetičko postupanje imenovane i potrebu da UDT reaguje...“, te ukoliko UDT nije od dana dostavljanja rješenja po njenom prethodnom zahtjevu za pristup informacijama formirao predmet po službenoj dužnosti, zatražila je od VSTV-u BiH da preuzme mjere iz svoje nadležnosti prije zastare disciplinskog prekršaja na način da službeno inicira formiranje spisa protiv tužiteljice D [REDACTED] upućivanjem dokaza UDT-u koji su dostavljeni uz prethodni zahtjev za pristup informacijama od 27.10.2023. godine.

Razmatrajući predmetni zahtjev, u skladu s nadležnostima VSTV-a BiH, utvrđeno je da VSTV BiH posjeduje podatke navedene u izreci ovog rješenja, te da omogućavanje pristupa istim nije protivno odredbama Zakona o slobodi pristupa informacijama na nivou institucija Bosne i Hercegovine (u daljem tekstu: Zakon).

Uvidom u službenu dokumentaciju, utvrđeno je da u odnosu na rješenje broj 01-07-10-91-169/2023 od 1.11.2023. godine nije bilo promjena, odnosno da Ured nije formirao predmet po službenoj dužnosti vezano za navode istaknute u zahtjevu.


U odnosu na molbu podnositeljice zahtjeva da VSTV BiH službeno inicira formiranje spisa protiv tužiteljice M■■■■ D■■■■, imajući u vidu da se navedeno ne smatra zahtjevom za pristup informacijama, u skladu sa definicijom pojma „informacija“ koja je propisana u članu 5. stav c) Zakona, odgovor na ovaj dio iz zahtjeva se dostavlja u formi zasebnog akta.

Postupajući po zahtjevu podnositeljice, uzimajući u obzir sve gore navedeno, odlučeno je kao u dispozitivu ovog rješenja.

Pouka o pravnom lijeku:

Protiv ovog rješenja podnositeljica zahtjeva ima pravo podnijeti žalbu Žalbenom vijeću pri Vijeću ministara Bosne i Hercegovine u roku od 15 dana od dana prijema istog.

Ukoliko Žalbeno vijeće ne odluči po žalbi u roku od 30 dana od dana prijema žalbe, podnositeljica žalbe ima pravo pokrenuti upravni spor pred Sudom Bosne i Hercegovine zbog šutnje administracije.



Dostavljeno:

1. Podnositeljici zahtjeva
2. Uredu disciplinskog tužioca VSTV-a BiH
3. U spis